

EAST ASIAN LIBRARY  
RM 8049 ROBARTS LIBRARY  
UNIVERSITY OF TORONTO  
TORONTO, CANADA M5S 1A5

漢魏六朝百三家集

梁

簡文帝

第六十七冊

v. 67



梁簡文帝御製集卷二

明太倉張溥閱

樂府

上之回

前旆拂回中、後車臨桂宮、輕絲駐雲罕、春色繞  
川風、桃林方灼灼、柳路日曛曛、笳聲駭胡騎、清  
磬警山戎、微臣今拜首、願帝永無窮、

採桑

春色映宮來、先發院邊梅、細萍重疊長、新花歷

亂開連珂往淇上。接幃至叢臺。叢臺可憐妾。當  
窓望飛蝶。忌跌行衫領。熨斗成裙襪。下牀著珠  
珮。捉鏡安花鑷。薄晚畏蠶饑。競採春桑葉。寄語  
採桑伴。訝今春日短。枝高攀不及。葉細籠難滿。  
年年將使君。歷亂遣相聞。欲知琴裏意。還贈錦  
中文。何當照梁日。還作入山雲。重門皆已閉。方  
知留客袂。可憐黃金絡。復以青絲繫。必也爲人  
時。誰令畏夫壻。

樂府三首

蜀國絃歌篇

銅梁指斜國

玉臺云銅梁望絕國

劍道望

英華作臨

中區通星

上分野作固下爲都雅歌因良守  
玅舞自巴渝陽城嬉樂所劍騎鬱相趨  
五婦行難至百兩好遊娛牲祈望帝祀  
酒醑蜀侯姝江妃納重聘卓女愛將雛  
停弦時繫爪息吹更治朱脫衫湔錦浪  
迴扇避陽烏聞君握節返賤妾下城隅

豔歌篇

凌晨光景麗倡女鳳樓中  
前瞻削成小傍望卷

旌空分妝開淺靨繞臉傳斜紅張琴未調軫飲  
吹不全終自知心所愛出八仕秦宮誰言連尹  
屈更是莫敖通輕輶綴阜葢飛轡轅雲驄金鞍  
隨繫尾銜璫映纏騃戈鏤荆山玉劒飾丹陽銅  
左把蘇合彈傍持大屈弓控弦因鵲血挽繯

一作

疆用牛螭戈獵多登隴酣歌每八豐暉暉隱落  
日冉冉還房櫳燈生陽燧火塵散鯉魚風流蘇  
時下帳象簟復韜筒霧暗窓前柳寒疎井上桐  
女蘿託松際甘瓜蔓井東拳拳恃君寵歲暮望

無窮

妾薄命

名都多麗質，本自恃容姿。蕩子行未至，秋胡無  
定期。玉貌歇紅臉，長顰一作翠眉。奩鏡逃朝

色，縫鍼脆故絲。本異搖舟咎，何關竊席疑。生離

誰拊背，溘死詎來遲。王嬙貌本絕，踉蹌入氍帷。

盧姬嫁日晚，非復少年時。轉山猶可遂，烏白望

難期。一作追妾心徒自苦，傍人會見嗤。

君子行

君子懷琬琰不使涅塵淄。從容子雲閣寂寞仲舒帷。多謝悠悠子管窺良可悲。

### 從軍行

貳師惜善馬樓蘭貪漢財。前年出右地今歲討輪臺。魚雲望旗聚龍沙隨陣開。冰城朝浴鐵地道夜銜枚。將軍號令密天子璽書催。何時反舊里遙見下機來。

### 長安有狹斜行

長安有徑塗塗徑不通輿道逢雙總卯扶輪問

我居我居青門北，可憶復易尋。大息騫金勒，中  
息縮黃銀。小息始得意，黃頭作弄臣。三息俱八  
門，雅志揚清塵。三息俱上堂，觴肴滿四陳。三息  
俱入戶，照耀光容新。大婦舒綺綰，中婦拂羅巾。  
小婦最容冶，映鏡學嬌顰。丈人且安坐，清謳出  
絳脣。

泛舟橫大江三首

魏文帝飲馬長城窟行曰  
泛舟橫大江，討彼犯荆虜。

滄波白日暉，遊子出王畿。旁望重山轉，前觀遠

卷之三 集 卷二  
帆稀、廣水浮雲吹、江風引夜衣。旅鴈同洲宿、寒  
鳬夾浦飛。行客誰多病、當念早旋歸。

隴西四戰地、羽檄歲時聞。護羌擁漢節、校尉立  
元勲。石門留鐵騎、冰城息夜軍。洗兵逢驟雨、送  
陣出黃雲。沙長無止泊、水脉屢縈分。當思勒燕  
鼎、無用想羅裙。

悠悠懸旆旌、知向隴西行。滅竈驅前馬、銜枚進  
後兵。沙飛朝似幕、雲起夜疑城。迴山時阻路、絕  
水亟稽程。往年郅支服、今歲單于平。方歡凱樂

盛飛蓋滿西京

鴈門太守行二首

輕霜中夜下。黃葉遠辭枝。寒苦春難覺。邊城秋。  
易知。風急旂旗斷。塗長鎧馬疲。少解孫吳法。家  
本幽并兒。非關買鴈肉。徒勞皇甫規。

隴幕風恒急。關寒霜自濃。慙馬夜方思。邊衣秋。  
未重。潛師夜接戰。畧地曉摧鋒。悲笳動胡塞。高  
旗出漢壙。勤勞謝功業。清白報迎逢。非須主人  
賞。甯期定遠封。單于如未繫。終夜慕前蹤。

京洛篇

樂府作煌煌京洛行列鮑照後而逸作者之名或以爲鮑詩非也

南遊偃師縣。斜上灞陵東。回瞻龍首堞。遙望德陽宮。重門遠照耀。天閣復穹窿。城傍疑複道。樹裏識松風。黃沙入洛水。丹泉繞射熊。夜輪懸素魄。朝光蕩碧空。秋霜曉驅鴈。春雨暮成虹。曲陽造甲第。高安還禁中。劉蒼歸作相。竇憲出臨戎。此時車馬合。茲晨冠蓋通。誰知兩京盛。觀宴遂無窮。

櫂歌行

妾家住湘川。菱歌本自便。風生解刺浪。水深能  
捉船。葉亂由牽荇。絲飄爲折蓮。濺妝疑薄汗。沾  
衣似故湔。浣紗流暫濁。汰錦色還鮮。叅同趙飛  
燕。借問李延年。從來八絃管。誰在櫂歌前。

怨歌行

十五頗有餘。日照杏梁初。蛾眉本多嫉。掩鼻特  
成虛。持此傾城貌。翻爲不肖軀。秋風吹海水。寒  
霜依玉除。月光臨戶駛。荷花依浪舒。望簷悲雙  
翼。窺沼泣前魚。苔生履處沒。草合行人疎。裂紈

傷不盡歸骨恨難祛早知長信別不避後園輿

美女篇

佳麗盡關情風流最有名約黃能效月裁金巧  
作星粉光勝玉靚衫薄擬蟬輕密態隨流臉嬌  
歌逐軟聲朱顏半已醉微笑隱香屏

鬪雞

歡樂良無已東郊春可遊百花非一色新田多  
異流龍尾橫津漢車箱起戍樓玉冠初警敵芥  
羽忽猜儔十日驕旣滿九勝勢恒邁脫使田饒

見、堪、能、說、魯、侯、

苦熱行

六龍驚不息三伏起炎陽寢興煩几案俯仰倦  
幘、牀、滂、沱、汗、似、鑠、微、靡、風、如、湯、洞、池、愧、玉、浪、蘭、  
殿、非、含、霜、細、簾、時、半、卷、輕、幌、乍、橫、張、雲、斜、花、影、  
沒、日、落、荷、心、香、願、見、洪、崖、井、謳、憐、河、朔、觴、

茱萸女

茱萸生狹斜結子復銜花遇逢纖手摘濫得映  
鉛、華、雜、與、鬟、簪、插、偶、還、鬢、鈿、斜、東、西、爭、贈、玉、縱、

橫來問家不無夫壻馬空駐使君車

棗下何纂纂

古咄咄歌曰棗下何  
攢攢榮華各有時

垂花臨碧澗結翠依丹巘非直人游宮兼期植  
靈苑落日芳春暮遊人歌吹晚弱刺引羅衣朱  
實凌還憶且歡洛浦詞無羨安期遠

金樂歌

槐香欲覆井楊柳正藏鷗山鑪好無比玉構火  
窓餘牀頭辟繩結鏡上領巾斜鐵鑊種梁子銅

樞生棗花開門拋水柱。一作信城案特言家。

行幸甘泉宮

雉歸海水寂。表來重譯通。吉行五十里。隨處宿  
離宮。鼓聲恒入地。塵飛上暗空。尚書隨豹尾。太  
史逐相風。銅鳴周國鑄。旗曳楚雲虹。倖臣射覆  
罷。從妓新歌終。董逃拜金紫。賢妻侍禁中。不羨  
神仙侶。排烟逐駕鴻。

有所思

昔未離長信。金翠奉乘輿。何言人事異。夙昔故

恩疎寂寞錦筵靜  
玲瓏玉殿虛掩闥  
泣團扇羅幌詠薜蘿

和湘東王橫吹曲三首

折楊柳

樂府作柳  
憚者非

楊柳亂成絲  
攀折上春時  
葉密鳥飛礙  
風輕花落遲  
城高短簫發  
林空畫角悲  
曲中無別意  
併是爲相思

洛陽道

洛陽佳麗所  
大道滿春光  
遊童初挾彈  
蠶妾始

提筐金鞍照龍馬、羅袂拂春桑、玉車爭晚入、潘  
果溢高箱、

### 紫騮馬

賤妾朝下機、正值良人歸、青絲懸玉鐙、朱汗染  
香衣、驟急珂彌響、踴多塵亂飛、彫菰幸可薦、故  
心君莫違、

### 長安道

神臯開隴右、陸海實西秦、金槐一作樅抵長樂、複  
道向宜春、落花依度幃、垂柳拂行輪、一作人金張

及許史夜夜尚留賓

江南思

江南有妙伎時則應璿樞月暈蘆灰缺秋還懸  
炭枯含丹和九轉芳樹蔭千株何辭天后誚終

是列

一作到

仙都

江南行

桂楫晚應旋厯岸扣輕舷紫荷擎釣鯉銀銅一作  
筐插短蓮人歸浦口暗那得久迴船

雞鳴高樹顛

碧玉好名倡夫婿侍中郎桃花全覆井金門半  
隱堂時欣一來下復比雙鴛鴦雞鳴天上早東  
烏定未光

明君詞

玉豔光瑤質金鈿婉黛紅一去葡萄觀長別披  
香宮秋簷照漢月愁帳入胡風妙工偏見詆無  
由情恨通

當置酒

陸士衡集亦載此詩  
今從樂府作簡文

置酒宴嘉賓矚迫臨飛觀絕嶺隔天餘長嶼橫

江、半、日、色、花、上、綺、風、光、水、中、亂、三、益、旣、歲、稔、四、  
始、方、蕊、粲、

詠中婦織流黃

翻花滿階砌。愁人獨上機。浮雲西北起。孔雀東  
南飛。調絲時繞腕。易鑷乍牽衣。鳴梭逐動釧。紅  
妝映落暉。

豔歌曲

雲楣桂成戶。飛棟杏爲梁。斜窓通葢氣。細隙引  
塵光。裁衣魏戶尺。汲水淮南牀。青驪暮當返。預

使羅裙香

怨詩

秋風與白團本自不相安。新人及故愛。意氣豈能寬。黃金肘後鈐。白玉案前盤。誰堪空對此。還成無歲寒。

採蓮曲

晚日照空磯。採蓮承晚暉。風起湖難度。蓮多摘未稀。棹動芙蓉落。船移白鷺飛。荷、綠、傍、繞、腕、菱、角、遠、牽、衣、。

霹靂引

來從東海上、發自南山陽、時聞連鼓響、乍散投、  
壺光飛車走四瑞、繞電發時祥、令去於斯表、殺  
來永傳芳

雉朝飛操

晨光照麥畿、平野度春暈、避鷹時聳角、妬壠或、  
斜飛、少年從遠役、有恨意多違、不如隨蕩子、羅  
袂拂塵衣、

貞女引

借問懷春臺、百尺凌雲霧、北有歲寒松、南臨女  
貞樹、庭花對帷蒲、隙月依枝度、但使明妾心、無  
嗟坐遲暮、

龍丘引

龍丘一回首、楚路蒼無極、水照美珠影、雲吐陽  
臺色、浦狹村烟度、洲長歸鳥息、遊蕩逐春心、空  
憐無羽翼、

當壚曲

十五正團圓、流光滿上蘭、當壚設夜酒、宿客解

金鞍迎來挾琴易送別唱歌難欲知心恨急翻  
令衣帶寬

昇仙篇

少室堪求道明光可學仙丹繒碧林宇綠玉黃  
金篇雲車了無轍風馬詎須鞭靈桃恒可餌幾  
迴三千年

愛妾換馬

功名幸多種何事苦生離誰言似白玉定是媿  
青驪必取匣中釧迴作飾金羈真成恨不已願

得路傍兒、

半路溪

樂府作  
元帝

相逢半路溪、隔溪猶不度望望判知是翩翩識、  
行步摘贈蘭澤芳、欲表同心句、先將動舊情、恐  
君疑妾妬、

擬沈隱侯夜夜曲

靄靄夜中霜、河開向曉光、枕啼常帶粉、身眠不  
著牀、蘭膏盡更益、薰鑪滅復香、但問愁多少、便  
知夜短長、

獨處怨

獨處恒多怨，開幕試臨風。  
彈碁鏡奩上，傅粉高樓中。  
自從一作君征馬去，音信不曾通。  
只恐金屏掩，明年已復空。

代樂府三首

楚妃歎

幽閨情脈脈，漏長宵寂寂。  
草螢飛夜戶，絲蟲繞秋壁。  
薄笑未爲欣，微歎還成戚。  
金簪鬢下垂，玉筋衣前滴。

新成安樂宮

遙看雲霧中，刻桷映丹紅。珠簾通曉日，金華拂  
夜風。欲知歌管處，來過安樂宮。

雙桐生空井

魏明帝猛虎行  
曰雙桐生空井

季月雙桐井，新枝雜舊株。晚葉藏棲鳳，朝花拂  
曙烏。還看西子一作雅子照銀牀，繫轡轡。

雍州曲三首

南湖

南湖荇葉浮，復有佳期遊。  
銀綸翡翠鈎，玉軸芙蓉舟。  
荷香亂衣麝，橈聲隨急流。

北渚

岸陰垂柳葉，平江含粉堞。  
好值城傍人，多逢蕩舟妾。  
綠水濺長袖，浮苔染輕楫。

大堤

宜城斷中道，行旅亟留連。  
出妻工織素，妖姬慣數錢。  
炊彫留上客，貰酒逐神仙。

大垂手

樂府作  
吳均

垂手忽迢迢，飛燕掌中嬌。羅衣恣風引，輕帶任情搖。詎是長沙地，促舞不回腰。

小垂手

舞女出西秦，躡影舞陽春。且復小垂手，廣袖拂紅塵。折腰應兩袖，頓足轉雙巾。蛾眉與曼臉，見此空愁人。

有所思三首

可歎不可思，可思不可見。餘絃斷瑟柱，殘朱染歌扇。

寂寂暮檐響，黯黯垂簾色。唯有甕甔苔，如見蜘蛛織。

八林看碳礪，春至定無餘。何時一可見，更得似梅花。

蜀道難二首

建平督郵道，魚復永安官。若奏巴渝曲，時當君思中。

巫山七百里，巴水三迴曲。笛聲下復高，猿啼斷

還續。

採菱曲

菱花落復含、桑女罷新蠶、桂棹浮星艇、  
銍銅蓮、葉南、

別鶴

一作鳥  
栖曲

接翮同發燕、孤飛獨向楚、值雪已逃群、驚風復  
失侶、

生別離

別離四弦聲、相思雙笛引、一去十三年、復無好  
音信、

夜夜曲二首

北斗闌干去，夜夜心獨傷。月輝橫射枕，燈光半

隱牀。

樂府作  
沈約

愁人夜獨傷，滅燭臥蘭房。祗恐多情月，旋來照  
妾牀。

春江曲

客行祗念路，相爭度京口。誰知堤上人，拭淚空  
搖手。

桃花曲

但使新花豔得間，美人簪何須論後實。怨結子  
瑕心。

樹中草

幸有青袍色，聊因翠幄凋。雖間珊瑚蒂，非是合  
歡條。

上留田行

以下  
七言

正月土膏初欲發，天馬照耀動農祥。田家斗酒  
群相勞，爲歌長安金鳳凰。

烏夜啼

綠草庭中望明月。碧玉堂裏對金鋪。鳴弦撥捩  
發初異。挑琴欲吹衆曲殊。不疑三足朝含影。直  
言九子夜相呼。羞言獨眠枕下淚。託道單棲城  
上鳥。

烏棲曲四首

芙蓉作船綵作絳。北斗橫天月將落。採蓮渡頭  
擬黃河。郎今欲渡畏風波。  
浮雲似帳月如鉤。那能夜夜南陌頭。宜城投泊  
今行熟。停鞍繫馬暫棲宿。

青牛丹轂七香車可憐今夜宿倡家倡家高樹  
烏欲棲羅帷翠帳向君低  
織成屏風金屈膝朱脣玉面燈前出相看氣息  
望君憐誰能含羞不自前

採菊篇

月精麗草散秋秣洛陽少婦絕妍姝相呼提筐  
採菊珠朝起露濕霑羅襦東方千騎從驪駒更  
一作不下山逢故夫  
豈

東飛伯勞歌二首

一云紹  
古歌

樂府

翻階蛺蝶戀花情、客華飛燕相逢迎、誰家總角、  
岐路陰裁紅點翠、愁人心、天窓綺井暖徘徊、珠  
簾玉篴明、鏡臺可憐年幾十三四、工歌巧舞入  
人意、白日西落楊柳垂、含情美態兩相知、  
西飛逃雀東羈雉、倡樓秦女乍相值、誰家妖麗  
隣中止、輕妝薄粉光間里、網戶珠綬曲瓊鈎、芳  
茵翠被香氣流、少年年幾方三六、含嬌聚態傾  
人目、餘香落蘂坐相催、可憐絕世爲誰媒、

離鳴篇

樂府作劉孝威  
以下雜言

時雞識將曙長鳴高樹顛啄葉疑障羽排花強  
欲前意氣多驚舉飄颺獨無侶陳思助鬪協狸  
膏郇昭妬敵安金距丹山可愛有鳳凰金門飛  
舞有鴛鴦何如五德美豈勝千里翔

度關山

關山遠可度遠度復難思直指遮歸道都護總  
前期力農爭地利轉戰逐天時材官蹶張皆命  
中弘農越騎盡搴旗搴旗遠不息驅虜何窮極  
狼居一封難再覩閼氏永去無容色銳氣且橫

行朱旗亂日精先屠光祿塞却破夫人城凱歌  
還舊里非是銜功名

從軍行

雲中亭障羽檄驚甘泉烽火通夜明貳師將軍  
新築營嫖姚校尉初出征復有山西將絕世愛  
雄名三門應遁甲五壘學神兵白雲隨陣色蒼  
山答鼓聲迤邐觀鵝翼參差覩鴈行先平小月  
陣却滅大宛城善馬還長樂黃金付水衡小婦  
趙人能鼓瑟侍婢初笄解鄭聲庭前桃花飛已

合必應紅妝起見迎。

隴西行

邊秋胡馬肥，雲中驚寇入。勇氣特無侶，輕兵救  
邊急。沙平不見虜，嶂嶮還相及。出塞豈成歌，經  
川未遑汲。烏孫塗更阻，康居路猶澁。月暈抱龍  
城，星流照馬邑。長安路遠書不還，甯知征人獨  
佇立。

江南弄三首

樂府英華並作昭明  
今從藝文作簡文

江南曲

和云陽春路時使佳人度

枝中水上春併歸，長楊掃地桃花飛。  
清風吹人光照衣，光照衣，景將夕，擲黃金，留上客。

龍笛曲

和云江南弄，真能下翔鳳。

金門玉堂臨水居，一嘖一笑千萬餘。  
遊子去還願莫疎，願莫疎，意何極，雙鴛鴦，兩相憶。

採蓮曲

和云採蓮歸，淥水好沾衣。

桂檝蘭橈浮碧水江花玉面兩相似蓮疎藕折  
香風起香風起白日低採蓮曲使君迷

香風迴袖舞白日照斜影曲曲如畫

江州刺史謝靈運詩

詩

三日侍皇太子曲水宴

以下四言

震德叶靈年，芳節淑濯伊。  
臨灞蕩心愉，目驤騎晨野。  
縱金曉陸蕙氣卷旌，神飈擎轂。  
層岑偃蹇，聳觀岩巉。  
烟生翠幕，日照綺寮。  
銀華晨散，金芝暮搖。  
綠水動葉，丹距映條。  
顧惟菲薄，徒承恩裕。  
藝學未優，聲績不樹。  
豈辯河書，甯摘淮賦。  
徒偶群龍，終慚並馭。

九日侍皇太子樂遊苑

離光麗景，神英春裕。副極儀天，金鏘玉度。監撫  
昭明，善物宣布。惠潤崑瓊，澤熙垂露。秋晨精曜，  
駕動宮闈。露點金節，霜沈玉璣。玄戈側影，翠羽  
翻暉。庭迴鶴蓋，水照犀衣。蘭羞薦俎，竹酒澄芬。  
千音寫鳳，百戲承雲。紫燕躍武，赤兔越空。橫飛  
鳥箭，半轉蛇弓。

應令詩

微軀多幸，接萼嘉運。紫幄承慈，青衿稟訓。傍玉  
流溫，依蘭染薰。百氏旣洽，六義乃摛。辭河瀉潤，

高論忘疲翠幙晨宇朱花夜池窓斜八綺燈懸  
百枝

愍亂詩

朱异蒙倖在朝側目雖太子亦不能平  
及侯景亂圍城城內咸尤异簡文爲四  
言詩

瞻彼阪田嗟斯氛霧謀之不臧寒我王度

上巳侍宴林光殿曲水

以下  
五言

芳年留帝賞應物動天襟挾苑連金陣分衢度  
羽林帷宮對廣掖層殿邇高岑風旗爭曳影亭

皐

初學  
作午

共生陰林花初墮蒂池荷欲吐心

和武帝宴詩二首

校尉開疎勒將軍定月支南通新息柱北屈武  
陽碑。豫遊戲馬館教戰昆明池。銀塘瀉清渭銅  
溝引直漪。常從良家子命中幽并兒。金鞍飾紫  
佩。玉燕帖青驪。車書今已共。願奏云亭儀。

祭壺今息鼓董案或開帷聊舉青龍陣正取絳  
宮時犒兵隨後拒輶祭逐前師軍門初露節步

陳始分旗

侍遊新亭應令

神襟愍行邁岐路愴徘徊遙瞻十里陌傍望九  
城臺鳳管流虛谷龍騎藉春芟曉光浮野暎朝  
烟承日迴沙文浪中積春陰江上來柳葉帶風  
轉桃花含雨開聖情蘊珠綺札命表英才顧憐  
砥砢質何以儷瓊瑤

奉和登北顧樓

春陵佳麗地濟水鳳凰宮況此徐方域川岳邁  
周灋皇情愛厯覽遊涉擬崆峒聊驅式道侯無

勞襄野童霧崖開  
早日晴天歇  
晚虹去帆入雲裏  
遙星出海中

登烽火樓

聳樓排樹出  
却堞帶江清  
陟峯試遠望  
鬱鬱盡郊京  
萬邑王畿曠  
三條綺陌平  
亘原橫地險  
孤嶼派流生  
悠悠歸棹入  
渺渺去帆驚  
水烟浮岸起  
遙禽逐霧征

玩漢水

雜色崑崙水  
泓澄龍首清  
三石茲川麗  
清流疾

且徐離離細磧淨藹藹樹陰疎石衣隨溜卷水  
芝扶浪舒連翩寫去檝鏡澈倒遙墟聊持點纓  
上於是察川魚

登城

日影半東簷靖念空杼軸小堂倦縹書華池厭  
脩竹寂寞旣寡悰登城望原陸遙山半吐雲嚴  
飈時響谷靡靡見虛烟森森視寒木落霞乍續  
斷晚浪時迴復遠矚旣濡翰徒自勞心目短歌  
雖可裁緣情非霧縠

山池

日暮芙蓉水，聊登鳴鶴舟。  
飛鱸飾羽艣，長幔覆緹油。  
停輿依柳息，住蓋影空留。  
古樹橫臨沼，新藤上挂樓。  
魚遊向閣集，戲鳥逗楂流。

贈張纘

儀表咸推挹，墻仞難窺踐。  
旣當垂帷學，復折波濤辨。  
綺思曖霞飛，清文煥颺轉。  
朱旗赫容與，雕棨紛曜煜。  
波搖白鯁舟，風動蒼鷹舳。  
九疑勢參差，江天相蔽虧。  
三春澧浦葉，九月洞庭枝。  
洞庭

枝、嫋、娜、灋、浦、葉、參、差、芬、芳、與、搖、落、俱、應、傷、別、離、  
餞廬陵內史王脩應令

餞行臨上節開筵命羽觴迴池瀉飛棟濃雲垂  
畫堂疎槐未合影仄日暫流光園梅歛新藻一作  
豔階蕙結初芳

餞臨海太守劉孝儀蜀郡太守劉孝勝  
碣石臨東海峨嵋距西候兩杜昔夾河二龍今  
出守方無夜犬驚向息神牛鬪涼風遶輕幕麥  
雨交新溜念此一銜觴懷離在惟舊

經琵琶峽

由來歷山川。此地獨迴遑。百嶺相紆蔽。千崖共  
隱天。橫峯時礙水。斷岸或通川。還瞻已迷向。直  
去復疑前。夕波照孤月。山枝歛夜烟。此時愁緒  
密。闕二魂九遷。字

仙客

漆水豈難變。桐刀乍可揮。青書長命籙。紫水芙  
蓉衣。高翔五岳小。低望九河微。穿池聽龍長。叱  
石待羊歸。酒闌時節久。桃生歲月稀。

往虎窟山寺

考藝文此詩簡文帝作弘明集所載王罔諸臣和詩可證

也弘明集作江令詩  
蓋有脫簡素誤耳

塵中喧慮積，物外衆情捐。茲地信爽塏，墟壘暖  
阡綿。藹藹車徒邁，飄飄旌旄懸。細松斜迤邐，峻  
嶺半藏天。古樹無枝葉，荒郊多野烟。分花出黃  
鳥，挂石下新泉。蔚鬱均雙樹，清虛類八禪。栖神  
紫臺上，縱意白雲邊。徒然嗟小藥，何由齊大年。

望同泰寺浮圖

遙看宮佛圖，帶壁復垂珠。燭銀踰漢汝，寶鐸邁

昆吾日起光芒散，風吟宮徵殊。  
露落盤恒滿，桐生鳳不雛。  
飛幡雜晚虹，畫舄狎晨鳬。  
梵世凌空下，應真蔽景趨。  
帝馬咸千轡，天衣盡六銖。  
意樂開長表，多寶現金軀。  
能令苦海渡，復使慢山踰。  
願能同四忍，長當出九居。

蒙預懺悔詩

皇情矜約俗，聖德愍重昏。  
制書開攝受，絲綸廣慧門。  
時英滿君囿，法侶盛天園。  
俱銷五道縛，共蕩四生怨。  
三脩祛愛馬，六念靜心猿。  
庭深林彩

豔地寂鳥聲喧、上風吹法鼓垂鈴鳴、畫軒新梅  
含未發、落桂聚還翻、早烟藏石磴、寒潮浸水門、  
一朝蒙善誘、方願遣籠樊

蒙華林園戒詩

庸夫耽世樂、俗士重虛名、三空旣難了、八風恒  
易傾、伊余久齊物、本自一枯榮、弱齡愛箕穎、由  
來重伯成、非爲樂肥遁、特是厭逢迎、執珪守蕃  
國、主器作元貞、昔日書銀字、久自慙宗英、斯焉  
佩金璽、何由廣德聲、居高常慮缺、持滿每憂盈、

茲言信非矯，丹心良可明。舟航春睿訓，接引降  
皇情。心燈朗暗室，牢舟出愛瀛。是節高秋晚，沈  
寥天氣清。郊門光景麗，祈年雲霧生。紅葉間青  
瑣，紫露濕丹楹。葉疎行逕出，泉溜遶山鳴。綠衿  
依浦戍，絳纓拂林征。庶蒙入解益，方使六塵輕。  
脫聞時可去，非吝舍重城。

旦出興業寺講詩

沐芳肅朝帶，駕言坻淨宮。羽旗承去影，鏡吹雜  
還風。吳戈夏服箭，驥馬綠沈弓。水照柳初碧，烟

含桃半紅由來六塵縛宿昔五纏朦見鶴徒知

謬察象理難

一作還

同方知惡四辯奚用語三空

遊光宅寺詩應令

陪遊入舊豐雲氣鬱青葱紫陌垂青柳輕槐拂  
慧風八泉光綺樹四柱暖臨空翠網隨烟碧丹  
花共日紅方欣大雲溥慈悲流淨宮

十空六首

如幻

漢安設大響周穆置高臺三里生雲霧瞬息起

冰雷空持生識縛，徒用長心災。慧人恒棄捨，庸  
識屢遄迴。六塵俱不實，三界信悠哉。

水月

圓輪旣照水，初生亦映流。溶溶如漬璧，的的似  
沈鈎。非關顧兔沒，豈是桂枝浮。空令誰雅識，還  
用喜騰猴。萬累若消蕩，一相更何求。

如響

疊障迴參差，連峯鬱相拒。遠聞如句咏，遙應成  
言語。竟無五聲實，誰謂八音所。空成顛倒群，徒

逝塵縛侶，愍哉火宅中。茲心良可去。

如夢

祕駕良難辯，司夢並成虛。未驗周爲蝶，安知人  
作魚。空聞延壽賦，徒勞岐伯書。潛令六識擾，安  
能二惑除。當須耳應滿，然後會真如。

如影

朝光照皎皎，夕漏轉駸駸。晝花斜色去，夜樹有  
輕陰。並能與眼入，俱持動惑心。息形影方止，逐  
物慮恒侵。若悟假名淺，方知實相深。

鏡象

精金宛成器，懸鏡在高堂。後挂七龍網，前發四  
珠光。迴望疑垂月，傍瞻譬壁璫。仁壽含萬類，淮  
南辯四鄉。終歸一亡有，何關至道場。

和湘東王名士悅傾城

美人稱絕世，麗色譬花叢。雖居李城北，住在宋  
家東。教歌公主第，學舞漢成宮。多游淇上水，好  
在鳳樓中。履高疑上砌，裾開特畏風。衫輕見跳  
脫，珠概雜青蟲。垂絲遶帷幔，落日度房櫳。粧窓

隔柳色井水照桃紅。非憐江浦珮。羞使春閨空。  
和徐錄事見內人作臥具

密房寒日晚。落照度窓邊。紅簾遙不隔。輕帷半  
捲懸。方知纖手製。詎減縫裳妍。龍刀橫膝上。畫  
尺墮衣前。熨斗金塗色。簪管白牙纏。衣裁合歡  
襪。文作鴛鴦連。斜用雙縫縷。絮用八蠶綿。香和  
麗仁蜜麝吐。中臺烟已入琉璃帳。兼雜太華氈。  
且共雕鑪暖。非同團扇捐。更恐從軍別。空牀徒  
自憐。

戲贈麗人

麗姬與妖嬈共拂可憐粧，同安鬟裏撥異作額。  
間黃羅裙宜細簡，畫屨重高牆含羞來上砌。  
微笑出長廊，取花爭問色。  
藝文作寶鐸  
扳枝念蕊香，但歌聊一曲，鳴絃未肯張。  
自矜心所愛，三十侍中郎。

率爾成詠

借問仙將畫，詎有此佳人。  
傾城且傾國，如雨復如神。  
漢后憐名燕，周王重姓申。  
挾瑟曾遊趙，吹

簫屢入秦。玉階偏望樹。長廊每逐春。約黃出意巧。纏絃用法新。迎風時引袖。避日暫披巾。疎花映髻插。細佩遶衫身。誰知日欲薄。含羞不自陳。

執筆戲書

舞女及燕姬。倡樓復蕩婦。參差大戾發。搖曳小垂手。釣竿蜀國彈。新城折楊柳。玉案西王桃。蠡杯石榴酒。甲乙羅帳異。辛壬房戶暉。夜夜有明月。時時憐更衣。

從頓暫還城

漢渚水初綠江南草復黃日照蒲心暖風吹梅  
蕋香征艫艤湯塹歸騎息金隍舞觀衣常襞歌  
臺絃未張持此橫行去誰念守空牀

秋閨夜思

非關長信別詎是良人征九重忽不見萬恨滿  
心王夕門掩魚鑰宵牀悲畫屏迴月臨窓度吟  
蟲繞砌鳴初霜霽細葉秋風驅亂螢故粧猶累  
日新衣製未成欲知妾不寐城外搗砧聲

詠內人晝眠

北窗聊就枕、南簷日未斜、攀鈎落綺、障挿振舉、  
琵琶夢笑開嬌靨、眠鬟壓落花、簾文生玉腕、香  
汗浸紅紗、夫壻恒相伴、莫誤是倡家、

傷美人

昔聞倡女別、蕩子無歸期、今似陳王歎、流風難  
重思、翠帶留餘結、苔階沒故綦、圖形更非是、夢  
見反成疑、熏鑪含好氣、庭樹吐花滋、香燒日有  
歇、花落無還時、

變童

變童嬌麗質，踐董復超瑕。羽帳晨香滿，珠簾夕  
漏賒。翠被含鴛色，雕牀鏤象牙。妙年同小史，姝  
貌北朝霞。袖裁連壁錦，牋織細種花。攬袵輕紅  
出，迴頭雙鬢斜。嬾眠時含笑，玉手乍攀花。懷情  
非後釣，密愛似前車。定使燕姬妬，彌令鄭女嗟。

倡婦怨情十二韻

綺窗臨畫閣，飛閣繞長廊。風散同心草，月送可  
憐光。髮簾中出妖麗特，非常恥學秦羅髻。羞  
爲樓上粧，散誕披紅帔。生情新約黃，斜燈入錦

帳微烟出玉房。六安雙玳瑁。八幅兩鴛鴦。猶是  
別時許。留值解心傷。含涕坐度日。俄頃變炎涼。  
玉關驅夜雪。金氣落嚴霜。飛狐驛使斷。交河川  
路長。蕩子無消息。朱脣徒自傷。

詠舞二首

戚里多妖麗。重聘茂燕餘。逐節工新舞。嬌態似  
凌虛。納花承禰襪。垂翠逐璫舒。扇開衫影亂。巾  
度履行疎。徒勞交甫憶。自有專城居。  
可憐稱二八。逐節似飛鴻。懸勝河陽妓。聞與淮

南同入行看履進轉面望鬟空腕動茗華玉衫  
隨如意風上客何須起啼鳥未肯終

戲作謝惠連體十三韻

外編廣文選  
作沈約非

雜葢映南庭庭中光景媚可憐枝上花早得春  
風意春風復有情拂幔且開楹盈盈一作開碧

烟拂幔復垂蓮偏使紅花散飄揚落眼前眼前  
多無况參差鬱相望珠繩翡翠帷綺幕芙蓉帳  
香烟出窗裡落日斜階上日影去遲遲節華咸  
在茲桃花紅若點柳葉亂如絲絲條轉暮光影

落暮陰長。春燕雙雙舞。春心處處揚。酒滿心聊足。萱枝愁不忘。

和藉田

帝和武

禮經聞往說。觀寶著遐篇。豈如春路動。祈穀重民天。蒼龍引玉軼。交旗影曲旃。皮軒承早日。豹尾拂游烟。地廣重畦淨。林芳翠幕懸。青壇出長畎。帷宮繞直阡。秉耒光帝則。報獻重皇虔。度諧金石奏。德厚歌頌詮。三春潤蓂莢。七月待鳴蟬。鯉魚顯嘉瑞。銅雀應豐年。不勞鄭國雨。無榮鄴

令田是知躬稼美兼聞富教宣

漢高廟賽神

玉軼朝行動閭闔旦應開  
曰雲蒼梧去丹鳳咸陽來  
日正山無影城斜漢屢迴  
瞻流如地脈望嶺匹天台  
欲祛九秋恨聊舉十千杯

祠伍員廟

去國資孝本循忠全令名  
舟中多奇計蘆中復吐誠  
偃月交吳艦魚麗入楚營  
光功摧妙算載籍有餘聲  
洪濤猶鼓怒靈廟尚淒清  
行潦承椒

莫案歌雜鳳笙無勞晉后璧詎用楚臣纓密樹  
臨寒水疎扉望遠城窓察野霧入衣帳積苔生  
惟有三青鳥歛翅時逢迎

守東華門開

脂車向馳道總轡息中華落關猶待漏交戟未  
通車薄雲初啓雨曙色始成霞塹流鋪紫若城  
風泛橘花絃誦終無取顧已自懷嗟

春日想上林

春風本自奇楊柳最相宜柳條恒著地楊花好

樂府文彙集卷二  
上衣處處春心動常惜光陰移西京董賢館南  
宛習都池荇間魚共樂桃上鳥相窺香車雲母  
幃駛馬黃金羈

喜疾瘳

朝窓猶掩扇宿幔未懸鈎逍遙臨四注兼持散  
九愁雖同衛子憊聊喜摯生瘳災星夜出境鳴  
禽晚去樓蠲邪無賈服祆氣息梁牛隔簾陰翠  
篠映水含珠榴丹經蘊玉笥玄水出長洲結友  
尋方岳採藥訪圓丘神隨七星變貌逐五雲留

飛鴻若可駕輕簪必易抽

臥疾

沈疴類弩影積弊似河魚  
詎逢龍子浴空歎楚  
王、蒞、

詠風

飄飄散芳勢泛漾下蓬萊  
傳涼入鏤檻發氣滿  
瑤臺委禾周邦偃飛颿  
宋都迴亟搖故葉落屢  
蕩新花開暫舞驚鳬去  
時送蕤香來已拂巫山  
雨何用卷寒灰

三月三日率爾成詩

芳年多美色麗景復妍遙握蘭唯是旦採艾亦  
今朝迴沙溜碧水曲岫散桃夭綺花非一種風  
絲亂百條雲起相思觀日照飛虹橋繁華炫姝  
色燕趙豔妍妖金鞍汗血馬寶髻珊瑚翹蘭馨  
起縠袖蓮錦束瓊腰相看隱綠樹見人還自嬌  
玉柱鳴羅薦礫枕泛迴潮洛濱非拾羽滿握詎  
貽椒

晚春

紫蘭葉初滿。黃鶯弄不稀。石蹲還似獸。蘿長更  
如衣。水曲文魚聚。林暝鴉鳥飛。渚蒲變新節。巖  
桐長舊圍。風花落未已。山齋開夜扉。

和湘東王首夏

冷風雜細雨。垂雲助麥涼。竹水俱蔥翠。花蝶兩  
飛翔。燕泥含復落。鷓吟歛更揚。臥石藤爲纜。山  
橋樹作梁。欲待華池上。明月吐清光。

納涼

斜日晚駸駸。池塘生半陰。避暑高梧側。輕風時

入襟落花還就影驚蟬乍失林遊魚吹水沫神  
蔡上荷心翠竹垂秋采丹棗映疎砧無勞夜遊  
曲寄此託微吟

晚景納涼

日移涼氣散懷抱信悠哉珠簾影空捲桂戶向  
池開鳥棲星欲見河淨月應來橫階入細笋蔽  
地濕輕苔草化飛爲火蚊聲合似雷於茲靜聞  
見自此歇氛埃

初秋

羽、翳、晨、猶、動、珠、汗、晝、恒、揮、秋、風、忽、嫋、嫋、向、夕、引、  
涼、歸、浮、陰、卽、染、浪、清、氣、始、乘、衣、卷、幌、通、河、色、開、  
窓、引、月、輝、晚、花、欄、下、照、疎、螢、簾、上、飛、直、置、猶、如、  
此、何、況、送、將、歸、

秋夜

螢、飛、夜、的、的、蟲、思、夕、嚶、嚶、輕、露、沾、懸、井、浮、烟、人、  
綺、寮、檐、重、月、沒、早、樹、密、風、聲、饒、池、蓮、翻、罷、葉、霜、  
篠、生、寒、條、端、坐、彌、茲、漏、離、憂、積、此、宵、

秋晚

浮雲出東嶺，落日下西江。  
促陰橫隱壁，長暉斜度窓。  
亂霞圓綠水，紅葉影飛缸。

大同八年秋九月

大君重九節，下輦上林中。  
酒闌嘉宴罷，車騎各西東。  
時余守西掖，脂車歸北宮。  
車分獨坐道，扇拂冶城風。  
落照漣中滿，浮烟槐外通。  
長樂含初紫，安榴折晚紅。

大同十年十月戊寅

喧塵是時息，靜坐對重巒。  
冬深柳條落，雪後桂

枝殘星明霧色淨，天白鴈行單。雲飛乍想閣水，  
結遠疑繞晚橘。隱重屏枯藤，帶迴竿荻。陰連水

氣山峯添

一作月寒

大同十一月庚戌

茲園植藝積，山谷久紆威。直興轉多緒，真事亦  
因依。是節嚴冬景，寒雲掩落暉。遠聞風瑟瑟，亂  
視雪霏霏。浪起川難渡，林深人至稀。山禽背逕  
走，野鳥歷塘飛。

玄圃寒夕

洞門扉未掩，金壺漏已催。曛烟生澗曲，暗色起  
林隈。雪花無有蒂，冰鏡不安臺。堦楊始倒插，浦  
桂半新栽。陳根委落蕙，細蕊發香梅。鴈去銜蘆  
上，獼戲繞枝來。

奉答南平王康賚朱櫻

倒流暎碧叢，點露擎朱實。花茂蝶爭飛，枝濃鳥  
相失。已麗金釵瓜，仍美玉盤橘。甯異梅似丸，不  
羨萍如日。永植平臺垂長與，雲桂密一作徒然

奉推甘，終以愧操筆。

賦事

浮葉齊水麗垂彩鄭都赤白英紛靡靡紫實標  
離離風搖羊角樹日映雞心枝穀城踰石蜜蓬  
岳表仙儀已聞安邑美永茂玉門垂

西齋行馬

晨風白金絡桃花紫玉珂影斜鞭照曜塵起足  
蹉跎任俠稱六輔輕薄出三河風吹鳳凰袖日  
映織成靴遠江鱸舫少遙山烟霧多雲開瑪瑙  
葉水淨琉璃波廣路拂青柳迴塘繞碧莎不效

孫吳術甯須趙李過

賦得隴坻鴈初飛

高翔憚澗海下去怯虞機霧暗早相失沙明還  
共飛隴狹朝聲聚風急暮行稀雖弭輪臺援未  
解龍城圍相思不得返且寄別書歸

藥名詩

朝風動春草落日照橫塘重臺蕩子妾黃昏獨  
自傷燭映合歡被帷飄蘇合香石墨聊書賦鈆  
華試作粧徒令麝萱草蔓延滿空房

卦名詩

櫛比園花滿徑復水流新離禽時入袖旅谷乍  
依蘋豐壺要上客鵠鼎命嘉賓車由泰夏闔馬  
散咸陽塵蓮舟雖未濟分密已同人

登城北望

登樓傳昔賦出薊表前聞灞陵忽回首河隄徒  
望軍茲焉聊迴眺極目杳難分一水斜開岸雙  
城遙共雲

登琴臺

蕪階踐昔徑。復想鳴琴遊。音容萬春罷。高名千載留。弱枝生古樹。舊石染新流。由來遞相歎。逝川流不收。

餞別

行樂出南皮。讌餞臨華池。籜解篁開節。花暗鳥逃枝。窓陰隨影度。水色帶風移。徒命銜杯酒。終成憫別離。

送別

行行異沂海。依依別路岐。水苔隨纜聚。岸柳拂

舟垂石茵生懸葉。江槎流臥枝。燭盡悲宵去。酒  
滿惜將離。

晚景出行

一作美人

細樹含殘影。春閨散晚香。輕花鬢邊墮。微汗粉  
中光。飛鳬初罷曲。啼鳥忽度行。羞令白日暮。車  
騎鬱相望。

春閨情

楊柳葉纖纖。佳人懶織練。正衣還向鏡。迎春試  
捲簾。摘梅多繞樹。覓燕好窺簷。只言逐花草。計

較應非嫌

詠美人觀畫

殿上圖神女、宮裏出佳人、可憐俱是畫、誰能辯  
偽真、分明淨眉眼、一種細腰身、所可特爲異、長  
有好精神

詠人棄妾

昔時嬌玉步、含羞花燭邊、豈言心愛斷、銜啼私  
自憐、但見歡成怨、非關醜易妍、獨鵲罷中路、孤  
鸞死鏡前

美人晨妝

玉臺作簡文  
藝文作昭明

北窗向朝鏡，錦帳復斜縈。嬌羞不肯出，猶言妝  
未成。散黛隨眉廣，臙脂逐臉生。試將持出衆，定  
得可憐名。

和林下妓應令

炎光向夕歛，促宴臨前池。泉將影相得，花與面  
相宜。管聲長鳥咲，舞袂寫風枝。歡樂不知醉，千  
秋長若斯。

夜聽妓

合歡鵲。忿葉。萱草忘憂條。何如明月夜。流風拂  
舞腰。朱唇隨吹盡。玉釧逐絃搖。留賓惜別弄。負  
態動餘嬌。

擬落日窓中坐

杏梁斜日照餘暉。映美人開函。脫寶釧向鏡理。  
紈巾游魚動。池葉舞鶴散。階塵空嗟千歲久。願  
得及陽春。

雪裏覓梅花

絕訝梅花晚。爭來雪裏窺。下枝低可見。高處遠

難知俱羞惜。腕露相讓到腰羸。定須還剪綵。學作兩三枝。

山齋

玲瓏繞竹澗。間關通槿藩。缺岸新成浦。危石久爲門。北榮下飛桂。南柯吟夜猿。暮流澄錦磧。晨水照彩鸞。

晚日後堂

幔陰通碧砌。日影度城隅。岸柳垂長葉。窓桃落細跗。花留蛺蝶粉。竹翳蜻蜓珠。賞心無與共。染

翰獨踟躕

望月

流輝入畫堂，初照上梅梁。  
形同七子鏡，影類九秋霜。  
桂花那不落，團扇與誰妝。  
空聞北窓彈，未舉西園觴。

開霽

景落商飈靖，烟開四郊謐。  
偃蹇暮山虹，遊揚峯下日。  
水紋城上動，樓水中出。  
竟微共冶功，空臥淮陽秩。

同劉諮議詠春雪

晚霰飛銀礫，浮雲暗未開。  
入池消不積，因風墮復來。  
思婦流黃素，溫姬玉鏡臺。  
看花言可折，一作插定自非春梅。

雪朝

同雲凝暮景，嚴陰屯廣隰。  
落梅飛四注，翻翼舞三襲。  
實斷望如連，恒分似相及。  
已觀池影亂，復視簾珠濕。

詠烟

浮空覆雜影、含露密花藤、乍如洛霞發、頗似巫  
雲、登映光飛、百仞從風散、九層欲持翡翠色、時  
吐鯨魚燈、

春日

年還樂應滿、春歸思復生、桃含可憐紫、柳發斷  
腸青、落花隨燕入、游絲帶蝶驚、邯鄲歌管地、見  
許欲留情、

玄圃納涼

登山相劒閣、逗浦憶辰陽、飛流如凍雨、夜月似

秋霜螢翻競晚熱蟲思引秋涼鳴波如礙石間  
草別蘭香

薄晚逐涼北樓迴望

平衢望如掌曾雉暖相連斷雲留去日長山減  
半天戲鳬乘湫下漁舟冒浪前

秋夜

高風度函谷。墜露下芳枝。綠潭倒雲氣。青山銜  
月規。花心風上轉。葉影樹中移。外遊獨千里。夕  
嘆誰共知。

七夕

秋期此時淡，長夜徙河靈。紫烟凌鳳羽，紅光隨玉輶。洛陽疑劍氣，成都怪客星。天梭織來久，方逢今夜停。

九日賦韻

是節協陽數，高秋氣已精。簷芝逐月啓，帷風依夜清。遠燭承歌黛，斜橋聞履聲。梁塵下未息，共愛賞心并。

賦得橋

浮梁旣衝嶮、通波信可陵、乘空寫渭石、跨岸擬  
河、水斜闌、隱濁霧、布影入清澗、方知歌綠水、無  
待榜蒼鷹

春日看梅花

昨日看梅樹、新花已自生、今日聞春鳥、何啻兩  
三聲、凍解池開漆、雲穿天半晴、遊心不應動、爲  
此欲逢迎

和湘東王陽雲樓簷柳

曖曖陽雲臺、春柳發新梅、柳枝無極軟、春風隨。

樂府文選卷二  
意來潭沲青帷閉玲瓏朱戶開佳人有所望車  
聲非是雷  
吳

初桃

初桃麗新采照地吐其芳枝間留紫燕葉裏發  
輕香飛花入露井交榦拂華堂若映窓前柳懸  
疑紅粉妝

詠橘

萎蕤映庭樹枝葉凌秋芳故條雜新實金翠共  
含霜攀枝折縹榦甘旨若瓊漿永無假存雕飾玉

盤余自嘗

香茅

銅律與鳴琴俱稱類君子豈若江淮間發葉超  
衆美珍同自牧歸茅因彙征起豈獨邁秦衡方  
知茂沅芷

繫馬

青驪沈赭汗綠地懸花蹄未垂青鞵尾猶掛紫  
障泥蹠足絆中憤搖頭櫪上嘶紫關如未息直  
去取榆溪

賦得舞鶴

來自芝田遠飛度武溪深振迅依吳市差池逐  
晉琴寄聲傳迴澗動翅拂花林欲知情外物伊  
洛有清潯

登板橋詠洲中獨鶴

遠霧旦氛氲單飛纔可分孤驚思嶼浦羈唳下  
江濱意惑東西水心迷四面雲誰知獨辛苦江  
上念離群

雙燕詩

雙燕有雄雌，照日兩差池。銜花落北戶，逐蝶上南枝。桂棟本曾宿，虹梁早自窺。願得長如此，無令雙燕離。

聽早蟬

草歇鶻鳴初，蟬思花落後。乍飲三危露，時蔭五官柳。莊書哂鵬翼，衛賦宜螭首。桂樹可淹留，勿謂山中久。

詠蛺蝶

空園暮烟起，逍遙獨未歸。翠鬣藏高柳，紅蓮拂

水衣復此從風蝶、雙雙花上飛、寄與相知者、同心終莫違、

詠螢

本將秋草并、今與夕風輕、騰空類星質、拂樹若花生、屏疑神火照、簾似夜珠明、逢君拾光彩、不恡此身傾、

詠筆格

英華表玉笈、佳麗稱蛛網、無如茲制奇、雕飾雜衆象、仰出寫含花、橫抽學仙掌、幸因提拾用、遂

厠璇臺賞

詠鏡

錯銖恒在側誰言覽鏡稀如水不見水似扇長  
含輝全開玳瑁匣併卷織成衣脫入相如手疑  
言趙璧歸

正月八日燃燈詩應令

藕樹交無極花雲衣數重織竹能爲象縛荻巧  
成龍落灰然葢盛垂油濕畫峯天宮倘若見燈  
王願可逢

和蕭東陽祀七里廟

萬里實幽宗三神亦天構豈謂木石精期乃山  
川守遠來太白旗遙徵青島候以茲敬弗怠方  
知教應富

賦詠五陰識枝詩

澆淳混神因心形復依色欲浪逐情飄愛網隨  
心織鑄金雖改狀斬籌方未極鵠歡旣無辯猿  
攀此焉息

被幽述志詩

恍忽烟霞散颼颼松栢陰幽川白楊古野路黃  
塵深終無千月命安用九丹金闕里長蕪沒蒼  
天空照心

和湘東王三韻二首

春宵

花樹含春叢羅帳夜長空風聲隨篠韻月色與  
池同綵牋徒自襞無信往雲中

冬曉

冬朝日照梁含怨下前牀帷寒竹葉帶鏡轉菱

花光會是無人見何用早紅妝

詠晚閨

珠簾向暮下妖姿不可追花風暗裏覺蘭燭帳  
中飛何時玉窓裏夜夜更縫衣

曉思

玉臺作  
蕭紀

晨禽爭學嘒朝花亂欲開爐烟八斗帳屏風隱  
鏡臺紅妝幾盡淚蕩子何當來

同庾肩吾四詠二首

藝文作昭明按肩吾爲  
簡文宮臣當以玉臺爲

正

蓮舟買荷度

採蓮前岸隈，舟子屢徘徊。荷披衣可識，風疎香不來。欲知船度處，當看荷葉開。

照流看落釵

相隨照綠水，意是重涼風。流搖妝影壞，釵落鬢花空。佳期在何許，徒傷心不同。

賦樂名得笙篴

攄遲初挑吹，弄急時催舞。釧響逐絃鳴，衫回半障柱。欲知心不平，君看黛眉聚。

春日

花開幾千葉，水覆數重衣。蝶颺紫空舞，燕作同心飛。歌妖弄曲罷，鄭女挾琴歸。

賦得入階雨

細雨階前入，灑砌復沾帷。漬花枝覺重，濕鳥羽飛遲。儻令斜日照，併欲似遊絲。

詠柳

垂陰滿上路，結草早知春。花絮時隨鳥，風枝屢拂塵。欲散依依采，時要歌吹人。

詠芙蓉

圓一花蒂卷，交葉半心開。  
影前光照耀，香裏蝶徘徊。  
欣隨玉露點，不逐秋風催。

詠梔子花

素華偏可喜，的的半臨池。  
疑爲霜裏葉，復類雪封枝。  
日斜光隱見，風還影合離。

賦得薔薇

石榴珊瑚蘂，木槿懸星葩。  
豈如茲草麗，逢春始發花。  
迴風舒紫萼，照日吐新芽。

仰和衛尉新渝侯巡城口號

帝京風雨。中層闕。烟霞浮玉署。清餘熱。金城含  
暮秋。水觀凌却敵。槐影帶重樓。

臨後園

隱淪遊少海。神仙入太華。我有逍遙趣。中園復  
可嘉。千株同落葉。百丈共尋霞。

雨後

散絲與山氣。忽合復俄晴。雷音稍入嶺。電影尚  
連城。雨餘雲稍薄。風收熱復生。

和會三教

聚沫多緣假標空非色香漢君雖起夢晉后徒  
降祥玄機昔未辯洞鑒資我皇

侍講詩

物善渥深慈監撫宜王事英邁入解心高超七  
花意

登錦堂

詩彙作鮑照非

孫生酸棗寺王子枝江樓何如登石鏡因閒猶  
豫遊

夜遊北園

星芒侵嶺樹、月暈隱城樓、暗花舒不覺、明波動  
見流、

遊韋黃門園

息車冠蓋里、停轡仲長園、簷疎遠興積、賓至羽  
觴繁、

入漱浦

泛水八迴塘、空枝度日光、竹垂懸掃浪、鳬疑遠  
避檣、

罷丹陽郡往與吏民別

久歸從事麥非留故吏錢柳裁今尚在棠陰君  
詎憐

示晉陵弟

零雨岐路悲送歸臨水節時事雖爲舛離憂等

間別

夜望浮圖上相輪絕句

光中辯垂鳳霧裏見飛鸞定用方諸水持添承  
露盤

卷二  
愁閨照鏡

別來顚顚久、他人怪容色、只有匣中鏡、還持自  
相識、

金閨思二首

遊子久不返、妾身當何依、日移孤影動、羞覩燕  
雙飛、

自君之別矣、不復染膏脂、南風送歸鴈、聊以寄  
相思、

寒閨

綠葉朝朝黃紅顏日日異譬喻持相比那堪不  
愁思

從頓還城南

暫別兩成疑開簷生舊憶都知未有情更似新  
相識

夜遣內人還後舟

錦幔扶船列蘭橈拂浪浮去燭猶文水餘香尚  
滿舟

贈麗人

腰肢本猶絕，眉眼特驚人。判自無相比，還來有洛神。

遙望

散誕垂紅帔，斜柯插玉簪。可憐無有比，恣許直千金。

行雨

本是巫山來，無人覩容色。惟有楚王臣，曾言夢相識。

和人渡水

婉婉新上頭、湔裾出樂遊、帶前結香草、鬟邊插石榴、

雜詠

被空眠、數覺寒重、夜風吹羅帷、非海水、那得度前知、

詠武陵王左右伍髡傳杯

頂分如兩髻、簪長驗上頭、投杯如欲轉、疑殘已復留、

彈箏

彈箏北窗下，夜響清音愁。  
張高絃易斷，心傷曲不道。

梁塵

依帷蒙重翠，帶日聚輕紅。  
定爲歌聲起，非關團扇風。

遊人

遊戲長楊苑，携手雲臺間。  
歡樂未窮已，白日下西山。

詠朝日

團團出天外，煜煜上層峯。光隨浪高下，影逐樹輕濃。

望月

今夜月光來，正上相思臺。可憐無遠近，光照悉徘徊。

華月

兔絲生雲夜，蛾影出漢時。欲傳千里意，不照十年悲。

詠雲

浮雲舒五色，瑤瑤應霜天。玉葉散秋影，金風飄紫烟。

浮雲

可憐片雲生，暫重複還輕。欲使襄王夢，應過白帝城。

大同九年七月

高樓開左扇，迴望依蘭橈。晚風颺颺來，落照參差好。

詠薔薇

燕來枝益軟，風飄花轉光。  
氤氲不肯去，還來階上香。

檉

凌寒競貞節，負雪固難虧。  
無慚雲母桂，詎減珊瑚枝。

詠疏楓

萎綠映陂青，疏紅分浪白。  
花葉灑行舟，仍持送遠客。

詠藤

纖條寄喬木、弱影掣風斜、標春抽曉翠、出霧掛、  
懸花、

詠飛來鸚鵡

飛從何處來、似出上林隈、口銜長生葉、翅染昆  
明苔。

詠單鳬

銜苔入淺水、刷羽向沙洲、孤飛本欲去、得影更  
淹留、

詠寒鳬

迴水浮輕浪沙場弄羽衣  
眇眇隨山沒離離傍海飛

新燕

新禽應節歸俱向吹樓飛  
入簾驚釧響來窓礙舞衣

蜂

逐風從泛漾照日乍依微  
知君不留眄銜花空自飛

詠籠燈絕句

動焰翠帷裏散影羅帳前花心生復落明銷君  
詎憐

賦得白羽扇

可憐白羽扇却暑復來薰終無顧庶子誰爲一  
揮軍

詠獨舞

因羞強正釵顧影時迴袂非關善留客更是嬌  
夫壻

詠舞

嬌情因曲動、弱步逐風吹、懸釵隨舞落、飛袖拂  
鬟垂、

七夕穿針

憐從帳裏出、相見夜窓開、針歆疑月暗、縷散怪  
風來、

石橋

惠子臨濠上、秦王見海神、寫虹便欲飲、圖星逼  
似真、

壞橋

虹飛亘林際、星度斷山隅、斜梁懸水跡、畫柱脫輕朱、

水中樓影

水底罌恩出、萍間反宇浮、風生色不壞、浪去影恒留、

和湘東王後園迴文詩

枝、雲、間、石、峯、脈、水、浸、山、岸、池、清、戲、鵲、聚、樹、秋、飛、葉、散、

詠雪

顛倒使韻

鹽飛亂蝶舞花落飄粉匳匳粉飄落花舞蝶亂  
飛鹽、

登山馬

元帝同賦

登山馬

一本疊間樹二字

間樹識金裝草合宜韉短影

轉見鞭長何殊八公岫暫上淮南王

和湘東王古意詠燭

花中燭似將人意同憶啼流膝上燭焰落花中

倡樓怨節

六言

朝日斜來照戶春鳥爭飛出林片光片影皆麗

東坡先生集卷二  
一聲一轉煎心上林紛紛花落淇水漠漠苔深  
年馳節流易盡何爲忍憶含羞

和蕭侍中子顯春別四首

以下  
七言

別觀葡萄帶實垂江南荳蔻生連枝無情無意  
猶如此有心有恨徒別離

可憐淮水去來潮春堤楊柳拂河橋淚痕未燥  
詎終朝行聞玉珮已相要

桃紅李白若朝妝羞持顚顚比新芳不惜暫住  
君前死愁無西國更生香

蜘蛛作絲滿帳中芳草結葉當行路紅臉脈脈  
一生啼黃鳥飛飛有時度故人雖故昔經新新  
人雖新復應故

藝文作江總門怨  
詩玉臺作簡文

夜望單飛鴈

天、霜、河、日、夜、星、稀、一、鴈、聲、嘶、何、處、歸、早、知、半、路、  
應、相、失、不、如、從、來、本、獨、飛、

應令

蠡浦急兮川路長白雲重兮出帝鄉平原忽兮  
遠極目江甸阻兮羈心傷樹廬岳兮高且峻瞻

深館又甲集 卷二  
派水兮去泱泱、遠烟生兮含山勢、風散花兮傳馨香、  
臨清波兮望石鏡、瞻鶴嶺兮睇仙莊、望邦畿兮千里曠、  
悲遙夜兮九迴腸、顧龍樓兮不可見、徒送目兮淚沾裳、

擬古

以下雜言

窺紅對鏡歛雙眉、含愁拭淚坐相思、念人一去許多時、  
眼語笑靨迎來情、心懷心想甚分明、憶人不忍語、  
含恨獨吞聲、

春情

蝶黃花紫燕相追。楊低柳合露塵飛。已見垂鈞、  
挂綠樹、誠知淇水沾羅衣。兩童夾車問不已。五  
馬城南猶未歸。鶯啼春欲駛。無爲空掩扉。

傷離新體

傷離復傷離。別後情鬱紆。悽悽隱去棹。惘惘愴  
還途。慙慙意不申。轉顧獨沾襟。前驅經御宿。後  
騎歷河濇。胡香翼還幘。清笳送後塵。落日斜飛  
蓋。餘暉承畫輪。柳影長橫路。槐枝深隱人。桂宮  
夕掩銅龍扉。甲館宵垂雲母幃。朧朧月色上的

的夜螢飛。草香襲余袂。露灑沾人衣。帶喋凌城  
雲亂聚。排枝度葉。鳥爭歸。盤中浮

一作綠

蟻不能

酌琴間。玉徵調別鶴。別鶴千里別離聲。絃調軫  
急心自驚。試起登南樓。還向華池遊。前時篠生  
今欲合。近日裁。荷尚不抽。猶是銜杯其賞處。今  
茲對此獨生愁。登樓望曖曖。山川自分態。偃師  
雖北連。轅轅已南背。遠聽寂無聞。遙瞻目有閤  
含毫意不迷。長嘆憶無賴。

本紀

太宗幼而敏睿。識悟過人。六歲便屬文。高祖驚其早就。弗之信也。乃於御前面試。辭彩甚美。高祖歎曰。此子吾家之東阿。旣長。器宇寬弘。未嘗見愠喜。方頰豐下。鬚鬢如畫。眄睐則目光燭人。讀書十行俱下。九流百氏。經目必記。篇章辭賦。操筆立成。博綜儒書。善言立理。自年十一。便能親庶務。厯試蕃政。所在有稱。在穆貴嬪憂哀毀。肯立。晝夜號泣不絕聲。所坐之席沾濕盡爛。在

襄陽拜表北伐遣長史柳津司馬董當門壯武將軍杜懷寶振遠將軍曹義宗等衆軍進討剋平南陽新野等郡魏南荊州刺史李志據安昌城降拓地千餘里及居監撫多所弘宥文案簿領纖毫不可欺引納文學之士賞接無倦恒討論篇籍繼以文章高祖所製五經講疏嘗於立園奉述聽者傾朝野雅好題詩其序云余七歲有詩癖長而不倦然傷於輕豔當時號曰宮體所著昭明太子傳五卷諸王傳三十卷禮大義

二十卷、老子義二十卷、莊子義二十卷、長春義  
記一百卷、法寶連璧三百卷、並行於世焉、

吏臣曰、太宗幼年聰睿、令問夙標、天才從逸、冠  
於今古文、則時以輕華爲累、君子所不取焉、及  
養德東朝、聲被夷夏、泊乎繼統、寔有人君之懿  
矣、方符文景、運鍾屯剝、受制賊臣、弗展所蘊、終  
罹懷愍之酷、哀哉、

梁簡文帝集卷二終

梁簡文帝集

卷二

七



